

蘇州府志卷第九十一

人物目錄

孝義一

漢

顧翽

卞崇

皋伯通

陸續

高岱

三國吳

顧悌

南北朝

蘇州府志

卷九十一

人物 目錄

一

陳遺

張敷

顧昌衍

陸襄

張種 弟稜

陸繕 子辯慧 兄子見賢

張昭 弟乾

隋

徐孝穎

唐

龔景才

陸南金

張無擇 子誠

張承休

丁公著

五代

溫訥

宋

李鰲

范純佑

范純誠

孫侔

馬友直

姚淳

范正平

龔明之 子昱

周容

張柟

王柟

邊惇德 子瀛 濟 濟子

陳振 弟拱 子昌世

周津 曹椿 榮張二孝子

蘇州府志

卷九十一

人物

目錄

二

陸十七 湯家浜里人

元

范文英

趙良箴

朱良吉

李真

徐孝祥 子純夫

秦玉 父庚

陸德原

湯文英

余日強

曹善誠

金宏道

陳謙 兄訓

瞿信

吳淳

華翥

都嗣誠 徐佑之

梅應發

麋友信

沈右

蘇州府志

卷九十一

人物 目錄

三

蘇州府志卷第九十一

人物

孝義一

漢

顧翽吳郡人少失父事母孝母好食雕胡飯常率子女躬自採擷還家導水鑿川供養每有盈儲家近太湖湖中乃生雕胡無復雜草蟲鳥不敢至遂得以爲養郡縣表其閭舍

西京雜記

卞崇婁縣人

卽今崑山

漢桓帝時太守薛固爲法吏所在下廷尉崇

與同郡烏程錢讓詣闕稱冤廷尉囚崇等以兵圍守苦毒持之崇讓恬然自若在聲彌厲天子聞而奇之乃赦固罪

盧志

皋伯通官議郎吳中大姓梁鴻至吳依居廡下爲人賃舂伯通

蘇州府志

卷九十一

人物 孝義一

見其夫婦相莊心異之乃舍之於家鴻卒伯通葬之要離墓

旁

舊志參江南通志

陸續字智初吳郡人閔孫幼孤仕郡戶曹史時歲荒民飢因太守尹興使續於都亭賦民餽粥續悉簡閱其民訊以名氏事畢興問所食幾何續因口說六百餘人皆分別姓氏無有差謬興異之刺史行部見續辟爲別駕從事以病去還爲郡門下掾時楚王英陰疏天下善士及楚事覺顯宗得其錄有尹興名乃徵興詣廷尉獄續與主簿梁宏功曹史駟勲及掾史五百餘人詣洛陽詔獄就考諸吏不堪痛楚死者大半惟續宏勲掠考五毒肌肉消爛終無異辭續母遠至京師覲候消

息獄事特急無緣與續相見母但作饋食付門卒以進續雖見考苦毒而辭色慷慨未嘗易容惟對食悲泣不能自勝使者怪而問其故續曰母來不得相見故泣耳使者大怒以爲門卒通傳意氣召將案之續曰因食餉羹識母所自調和故知來耳非人告也使問何以知母所作乎續曰母截肉未嘗不方斷葱以寸爲度是以知之使者問諸謁舍續母果來于是陰嘉之上書說續行狀帝卽赦興等事還田里禁錮終身續以老病卒長子稠廣陵太守有理名中子逢樂安太守少子褒力行好學不慕榮名連徵不就褒子康

後漢書

按陸氏自續康以下遜抗機雲諸人史傳但云吳人吳郡志盧王志人物內並載明一統志以陸機有華亭鶴唳之

蘇州府志

卷九十一

人物 孝義一

二

語并前後諸陸皆移入松江府新通志因之考八王故事曰華亭吳由拳縣郊外墅也有清泉茂林吳亡後陸機兄弟共遊於此十餘年寰宇記引吳地記云二陸宅在長谷谷名華亭陸機歎處昔陸遜陸凱居此谷吳志云漢廬江太守陸康與袁術有隙使姪遜與其子績率宗族避難於是谷是則居華亭者自遜始康以前未嘗居也陸績故居在臨頓里唐史可考世說載賀邵爲吳郡太守至諸屯邸檢校顧陸役使官兵及藏遺亡諸陸屯邸未必皆遠在華亭又蘇峻東征與陸遁俱將至吳密勅左右入閭門放火適曰若爲亂階請從我家始南史陸子眞傳王僧達爲吳郡太守入閭門曰彼有人焉陸子眞五世內侍我之流亞子眞卽陸機從弟玩之曾孫也諸陸子孫仍居郡城者歷歷可據如此唐時華亭縣已分置陸氏尙多吳人則不可因華亭鶴唳一言移作松江人物明矣

高岱字孔文吳郡人受性聰達輕財貴義太守盛憲以爲上計舉孝廉許貢來領郡岱將憲避難於許昭家求救於陶謙謙未卽救岱憔悴泣血水漿不入口謙感其忠壯有申包胥之

義許爲出軍以書與貢岱得謙書還而貢已囚其母吳人皆爲危悚岱言在君則爲君且母在牢獄期於當往遂通書自白貢卽與相見才辭敏絕好自陳謝貢登時出其母岱將見貢語友人張允沈暨令豫具船以貢必悔當追逐之出便將母乘船易道而逃貢須臾遣人追殺之使與岱錯道遂免被誅時年三十餘隱於餘姚孫策命會稽丞陸昭逆之策虛已候焉聞其善左傳乃自玩讀之或謂之曰高岱以將軍但英武而已無文學之才若與論傳而云不知者則某言符矣又謂岱曰孫將軍爲人惡勝已者若每問當言不知乃合意耳及與論傳或對不知策果怒以爲輕已囚之知交及時人皆露坐爲請策登樓望見數里中填滿惡其收衆心遂殺之

吳錄

三國吳

顧悌字子通雍族人以孝弟廉正聞於鄉黨除郎中稍遷偏將軍孫權末年嫡庶不分悌數與朱據共陳禍福言詞切直朝廷憚之待妻有禮常夜入晨出希見其面嘗疾篤妻出省之悌命左右扶起冠幘加襲起對趣令妻還其貞潔不瀆如此悌父向歷四縣令年老致仕悌每得父書常灑掃整衣服更設几筵舒書其上拜跪讀之每句應諾畢復再拜若父有疾耗之間至則臨書垂涕聲語哽咽父以壽終悌飲漿不入口五日以不見父喪常畫壁作棺槨象設神位於下對之哭泣

服未闋而卒悌四子彥禮謙秘秘晉交州刺史

吳書

南北朝

陳遺吳郡人少爲郡吏母好食鍋底飯遺在役恒帶一囊每煮食輒錄其焦以貽母後孫恩亂聚得數斗恒帶自隨及敗逃竄多有餓死遺以此得活母晝夜泣涕目爲失明耳無所聞遺還入戶再拜號咽母豁然卽明

南史

張敷字景印吳人邵子生而母亡年數歲問知之雖童蒙便有感慕之色至十歲許求母遺物而散施已盡惟得一扇乃緘錄之每至感思卽開箚流涕見從母悲感哽咽性整貴風韻甚高好讀元言兼屬文論初父邵使與高士南陽宗少文談

蘇州府志

卷九十一

人物 孝義一

四

繫象少文每屈握麈尾歎曰吾道東矣宋武帝召見奇之曰眞千里駒也以爲世子中軍參軍敷見接引累遷江夏王義恭撫軍記室參軍遷正員中書郎敷小名檀父邵小名梨文帝戲之曰檀何如梨答曰梨是百果之宗檀何敢比元嘉中遷黃門侍郎始興王濬後軍長史司徒左長史未拜父在吳興亡報以疾篤敷往奔省自發都至吳興成服凡十餘日始進水漿葬畢不進鹽菜遂毀瘠成疾伯父茂度每止譬之輒更感慟絕而復續茂度曰吾冀譬汝有益但更甚耳自是不復往未期而卒孝武追贈侍中改其所居稱孝張里

南史參宋書

顧昌衍吳人居喪幾至滅性王儉言之天子曰昌衍既有至性

丘張永之甥宜居禮闈以光郎署乃以爲尚書庫部郎

南史

陸襄字師卿吳人開第四子天監三年都官尚書范岫表薦起家著作佐郎後昭明太子聞襄業行啟武帝引與游處除太子洗馬遷中舍人並掌管記出爲揚州中從事以父終此官固辭武帝不許聽與府司馬換廨居之襄母年將八十太子月遣存問加賜珍羞衣服母嘗猝患心痛醫方須二升粟漿時冬月日又逼暮求索無所忽有老人詣門貨漿量加方劑始欲酬直無何失之時以襄孝感所致後爲太子家令復掌管記母憂去職襄年已五十毀頓過禮太子憂之遣使誠喻大通七年出爲鄱陽內史大同元年郡人鮮于琮殺廣晉令

蘇州府志

卷九十一

人物 孝義一 五

王筠號上願元年聚置官屬將出攻郡襄先率人吏修城隍爲備及賊至破之生獲琮時鄰郡守宰案其黨與因求貨賄皆不得實或有善人罹禍惟襄郡枉直無濫人作歌曰鮮于鈔後善惡分人無橫死賴陸君又有彭李二家因忿爭相誣告襄引入內室和言解喻二人感恩深自悔咎乃爲設酒食令其盡歡酒罷同載而還因相親厚人又歌曰陸君政無怨家鬪旣罷讐共車在政六年郡中大寧郡人李琨等四百二十人詣闕陳襄德化求於郡立碑敕許之又表乞留襄固乞還太清元年爲度支尚書侯景圍臺城以襄直侍中省城陷奔還吳景將宋子仙攻錢塘會陸黯舉義襲郡殺僞太守蘇

單于推襄行郡事淮南太守蕭寧逃賊入吳襄遣迎寧爲盟
主遣黯及兄子映公帥衆躡子仙與戰于松江黯敗走吳下
軍聞之亦散襄匿於墓下一夜憂憤卒襄弱冠遭家禍釋服
猶若居憂終身蔬食布衣不聽音樂口不言殺害五十年侯
景平贈侍中追封餘干縣侯

南史

張種字士苗吳人永從孫祖韓宋廣州刺史父略梁臨海太守
種少恬靜居處雅正傍無造請時人語曰宋稱敷演梁則卷
充清虛學尙種有其風仕梁爲中軍宣城王府主簿時已四
十餘家貧求爲始豐令武陵王紀爲益州刺史重選府僚以
種爲左西曹掾種辭以母老坐免侯景之亂奉母東奔鄉里

蘇州府志

卷九十一

人物

孝義一

六

母卒種時年五十而毀瘠過甚又迫以凶荒未葬服雖畢居
家飲食恒若在喪景平王僧辯奏起爲從事并爲具葬禮葬
訖種方卽吉僧辯又以種年老無子賜以妾及居處之具陳
武帝受禪爲太府卿厯位左民尙書侍中中書令金紫光祿
大夫種深沈虛靜識量宏博時以爲宰相之器僕射徐陵嘗
抗表讓位於種以爲宜居左執其爲所推如此卒贈特進諡
元子種仁恕寡欲雖厯顯位家產屢空終日晏然不以爲病
有集十四卷種弟稜亦清靜有識度位司徒左長史

南史

陸繕字士繻倅兄子父任御史中丞繕幼有志尙以雅正知名
梁承聖中爲中書侍郎掌東宮管記魏平江陵繕微服遁還

建業紹泰元年除司徒右長史御史中丞以父任所終固辭
陳武帝受命位侍中出爲新安太守文帝嗣位徵爲太子中
庶子領步兵校尉掌東宮管記繕儀表端麗進退閑雅文帝
使太子諸王咸取則焉後復拜御史中丞固辭不許乃權換
解宇徙居之天監中厯尙書左僕射參掌選事別敕與徐陵
等七人參議政事卒贈特進諡曰安子以繕東宮舊臣特賜
祖奠子年數歲詔引入殿內應對進止有父風宣帝賜名緯
慧字敬仁繕兄子見賢亦方雅位少府卿卒

南史

張昭字德明吳人幼有孝性父煥常患消渴嗜鮮魚昭乃身自
結網捕魚以供朝夕弟乾字元明聰敏博學亦有至性父卒
蘇州府志

卷九十一

人物

孝義一

七

隋

兄弟並不衣綿帛不食鹽酢日惟食一升麥屑粥每感動必
嘔血鄰里聞其聲皆爲涕泣父服未終母陸又亡兄弟遂六
年哀毀形容骨立家貧未得大葬布衣蔬食十餘年杜門不
出屏絕人事時衡陽王伯信臨郡舉乾孝廉固辭不就兄弟
並因毀成疾年未五十並終於家子嗣俱絕

陳書

徐孝穎吳人祖麟梁侍中石陽侯父樞陳尙書起部郎孝穎勤
學多覽善屬文性至孝丁母憂三年衰經不離身經冬不御
綿纈形體骨立每哭臨哀聲徹於郡邑聞者亦爲隕涕嘗在
園中晝臥見八盜菜徐轉身向裏恐盜見之其仁行謙退皆

此類也仕煬帝爲學士校書郎

大業
礫記

唐

龔景才字敦禮慶元志曰景才縣人也五世同居以孝義稱麟德元年旌表門閭至宋其子孫多居小山景祐四年有龔沂者登進士第景才之裔也嘗知瓊州瓊山縣終於奉議郎

琴川

志

陸南金士季孫吳郡人士季從同郡顧野王學左氏春秋司馬史班氏漢書仕隋爲越王侗記室兼侍讀侗稱制擢著作郎時王世充將篡逆侗謂士季曰隋有天下三十年朝果無忠臣乎士季對曰見危授命臣宿志也請因啟事爲陛下殺之

蘇州府志

卷九十一

人物 孝義一

八

謀洩停侍讀乃不克貞觀初終太學博士兼宏文館學士南金仕爲太常奉禮郎開元初少卿盧崇道抵罪徙嶺南逃還東都南金居母喪崇道僞稱弔客人而道其情南金匿之俄爲讐人跡告詔侍御史王旭捕按南金當重法弟趙璧詣旭自言匿崇道者我也請死南金固言弟自誣不情旭怪之趙璧曰母未葬姊未歸兄能辦之我生無益不如死旭驚上狀明皇皆宥之南金知書史履操謹完張說陸象先稱其賢由庫部員外以癩疾改太子洗馬卒

唐書 盧熊志曰南金嘗

湖千頃宋知州李夷庚葺爲六梁四牖治平中立祠湖上之青山賜號嘉澤廟追封南金爲孚佑侯夷庚爲惠應侯

張無擇吳人未冠丁父憂廬于墓晝夜號泣者三年有靈芝醴

泉出焉旣冠從鄉試登明經第應制精通經史科調絳州錄事參軍絳有主胥者怙寵侮法數其罪露章奏之宰相姚崇致書褒美擢和州刺史在郡深恤民隱時水潦害農無擇請蠲穀籍之損者什七八李知柔爲採訪使素不悅其剛直密疏誣奏以附下爲名遂貶蘇州別駕民遮道攀泣信宿乃去移曹州謝病歸老於家子誠字老萊以通經中第及調判入高等官左武衛騎曹參軍分司東都安祿山之亂誠與同官盧異遁陸渾山食木實飲泉水者二年肅宗嗣位詔搜訪不仕賊者得六人誠及異與焉優詔褒美授密令遷碭山會大兵後野無草里無人撫之一年民襁負至二年汙萊闢三年

蘇州府志

卷九十一

人物

孝義一

九

衣食足及去官民相率泣送之

白居易撰墓志

張承休吳郡人以南郊齋郎補充州兵曹丁母憂廬墓三年又

舉賢良方正遷揚州司錄參軍

江南通志

丁公著字平子吳人三歲喪母七歲見鄰媼抱子哀感不肯食請於父緒願絕粒學道父聽之稍長父勉勅就學舉明經高第授集賢校書郎不滿秩輒去侍養於家父喪負土作家貌力癯瘠見者憂其死孝觀察使薛苹表上至行詔刺史弔問賜粟帛旌其閭淮南節度使李吉甫表授太子文學兼集賢校理會入輔政擢右補闕遷直學士充皇太子諸王侍讀因著太子諸王訓十篇穆宗立召居禁中條詢治理且許以相

公著陳讓牢切乃擢給事中遷工部侍郎知吏部選事公著知帝欲進用故辭疾求外授浙西觀察使徙河南尹治以清靜聞四遷禮部尚書翰林侍講學士長慶中浙東災癘拜觀察使詔賜米七萬斛使賑飢民久之入爲太常卿太和中以病丐還鄉里卒贈尚書右僕射公著清約守道每進一官輒憂見顏間四十喪妻終身不畜妾及卒天下惜之

唐書

五代

溫訥吳人楊行密將劉威幕客行密卒或譖威於徐溫溫將害之訥說威曰公受謗雖深反本無狀若輕舟入覲則嫌疑皆亡矣威從之溫果待威甚恭威得還鎮訥之力也

吳郡志

蘇州府志

卷九十一

人物 孝義一 十

宋

李鰲吳人幼孤事母孝天聖中母沒倚杖寢苦廬於墓側早夜悲慟甘露再降於松柏又以母嘗誦金剛經刺血爲書刻於

墓下郎中楊備表之

江南通志 盧志鰲壽昌令璩子璩濮州人過吳江卒葬天平山鰲遂家於吳

范純佑字天成仲淹長子性英悟自得尚節行方十歲能讀諸書爲文章籍籍有稱父仲淹守蘇州首建郡學聘胡瑗爲師瑗立學規良密生徒數百多不率教仲淹患之純佑尚未冠輒自入學齒諸生之末盡行其規諸生隨之遂不敢犯自是蘇學爲諸郡倡寶元中西夏叛仲淹連官關陝皆將兵純佑與將卒錯處鈎深擿隱盡得其才否由是仲淹任人無失而

屢有功仲淹帥環慶議城馬鋪砦砦偏夏境懼扼其衝侵撓其役純佑率兵馳據其地夏衆大至且戰且役數日而成一路恃之以安事父母孝未嘗違左右不應科第及仲淹以讒罷不得已蔭守將作監主簿又爲司竹監以非所好卽解去從仲淹之鄧得疾昏廢臥許昌富弼守淮西過省之猶感慨道忠義問弼之來公耶私耶弼曰公純佑曰公則可凡病十九年卒年四十子正臣守太常寺太祝宋史

范純誠字子明吳縣人夢齡四世孫夢齡仲淹之祖父謨餘杭曾祖見名宦

令父埴朝邑簿慶歷三年以叔父仲淹恩澤補太廟齋郎皇祐初仲淹置義田皆純誠所辦因奏爲長洲尉俾創規法以

蘇州府志

卷九十一

人物 孝義一 十二

貽永久歷衢州司理嘉祐初遷監衡州茭源銀場卒盧志

孫侔字少述吳縣人少孤力學性至孝嘉祐中郡守唐詢表其

門詔賜粟帛姑蘇志

馬友直字伯忠其先本司馬氏有名球者仕吳越以御史中丞爲崑山鎮遏使因家焉子孫止稱馬氏聚族於邑之全吳鄉六直里以孝義著稱兄弟六人皆力穡獨友直以儒業自奮入太學元符二年薦春官與李薦遊焉知友直賢以兄之子妻之宣和水災全吳之田與江通兄弟皆狼狽營妻子友直獨迎其親徙邑之進賢里僦屋以居躬養菽水母子晏如建炎二年以累舉得官主武康簿監南嶽廟卒吳郡志

姚淳吳縣人家世業儒淳性孝謹其先墓嘗有甘露芝草麥雙穗之異蘇子瞻范景仁爲賦三瑞堂詩時稱姚孝子

盧志

范正平字子夷吳縣人純仁子學行甚高雖庸言必援孝經論語父卒詔特增遺澤官其子孫正平推與幼弟紹聖中爲開封尉有向氏於其壙造慈雲寺戶部尙書蔡京以向氏后戚規欲自結奏拓四鄰田廬民有訴者正平按視以爲所拓皆民業不可奪京坐罰銅用是蓄恨正平及當國乃言正平矯撰父遺表又謂李之儀所述純仁行狀妄載中使蔡克明傳二聖虛佇之意遂逮正平之儀克明同詣御史府正平將行其弟正思曰議行狀時兄方營窀穸之事參預筆削者正思

也兄何爲哉正平曰時相屬意吾且吾居長吾不往兄弟將俱不免不若身任之遂就獄捶楚甚苦皆欲誣伏獨克明曰舊制凡傳聖語受本於御前請寶印出注籍於內東門使從其家得永州傳宣聖語本有御寶又驗內東門籍皆同其遺表入事諸子以朝廷大事防後患不敢上之繳申潁昌府印寄軍資庫自潁昌取至亦實獄遂解正平羈管象州家屬死者十餘人會赦得歸潁昌唐君益爲守表其所居爲忠直坊正平不可竟撤去之正平退閒久益工詩尤長五言著荀里退居編以壽終

宋史

龔明之字熙仲崑山人宗元曾孫幼逮事祖母李李自言少嘗

大病夢神告曰與汝七十七及期果病且革明之夜禱於天乞減已五齡以益李壽灼香於頂者七聞腦中爆裂聲不爲動詰旦李病良愈又五年乃卒宣和三年明之以諸生貢京師迎父母往已而母與弟相繼亡去鄉數千里貧無以歸葬或使以旅殯僧舍否則火之以其燼歸明之不從取其家所有自一錢之直皆折賣之不足又乞貸於人竟護二喪以歸先墓在西山大木數萬族人利其直悉斬而分之明之不能制獨泣且罵每伐一木仆明之輒號慟響震林谷紹興二十年鄉貢年已六十或勸少匿其數爲後日計笑曰吾生平未嘗妄語且不敢自欺卒書其實晚以特恩廷試授高州文學

蘇州府志

卷九十一

人物 孝義一

十三

年逾八十法不應出官吳士在朝者列奏其行義敕監潭州南嶽廟淳熙五年乞致仕鄉人林振等又請之朝授宣教郎致仕仍賜緋衣銀魚時李衡以忠諫去國年幾八十德望絕人獨以兄事明之時人高之目爲二老明之生平不摘人短不作貌言每自謂平日受用唯一誠字嘗附益山谷語以省喫儉用號五休居士撰中吳紀聞三卷子昱字立道有學行安貧樂義鄉人師之

吳郡志盧志合纂

周容常熟人早失怙事母朱至孝爲縣從事嘗有事於頂山得數栗附歸以奉母妻匿之以他栗進他日母出之以食容容心疑焉遂詬遣其妻尤好爲義舉旣卒邑人相與祀之

鄧穀常熟

志。按孝子生於乾道間歿爲神今最著舊府志不載今從縣志增入餘詳見祠廟及塚墓

張柟字材仲常熟人由三舍法貢京師入太學治書有聲政和五年進士第初調臨江軍司刑曹事知嚴州遂安縣方臘叛擁兵入邑丞簿皆遇害柟獨力戰不敵及中脇擁入巢穴柟曉以逆順卒不敢加害臘既伏誅改知歸安縣臨安府通判知泰州鎮江衢州皆以惠愛稱柟性純孝在衢時母卒年九十九柟亦七十矣執喪甚至初得郊恩捨子子姪族人喪不能舉者哀而葬之官至左朝散大夫卒年七十八贈正議

大夫

盧志

王柟字汝良節愍公倫之孫父述通判平江府初述負倫骨自

蘇州府志

卷九十一

人物

孝義一

古

河間返葬郡之陽山遂家吳中開禧中和議成柟爲城南廂官帥臣言其有異才被命出使擢帥淮西進尹臨安皆有聲

績

盧志

邊惇德字公辯祖珉始家崑山惇德幼孤至孝貧不廢禮才思敏給以能詩名爲范成大所知常與唱和五中鄉舉就奏名每逾六十卽致仕郡縣列上其行義特改通直郎換脂韋子五十卷子瀛字道卿與弟濟並有學行濟子應升字子用穎悟力學篤守操履淳祐初特科進士

盧志

應升子實與凌萬頃

同修崑山志

崑山舊志

陳振字震亨古靈先生襄之後父遵贅御史李衡女因家崑山